


www.BibleForChildren.org

Utumbuli 1



Pakwatumbuliya Sapanga
jabomba kunani nu
nndema.



Nndema ngasewabii ni liumbu
na wabii nntopu. Lwii lwabiya
luyekali masi na Mbomu waka
Sapanga jabiya jujobatii
panani ja masi.



Sapanga jalagalakiya, "Unang`anu gubiya." Unang`anu gwatenda kupiti. Jugukema unang`anu, "Muhi" na lwii julukema "Ikilu" pakamii patenda kupeta, kwahika pulukela, lisoba lu utumbuli.




Sapanga jalagalakiya, "Pabiya pandu panga na sindu, papabaganisa masi pandu pabeli." Sapanga japakema pandu panga na sindu pala, "Anga." Ndienu pakamii kwatenda kupeta kwahika pulukela lisoba la pili.



Sapanga jalagalakiya, "Masi gagabii pai ja pandu pajomu pabongika pandu pamu, ili nndema wanga na sindu gupitila." Ndi kwabiya ahelahela. Sapanga japakema pandu pajomu, "Nndema," nu kubongeka kwa masi kola jugukema, "Nnhanga." Sapanga jaabona kubii kwaamboni.



Ndienu Sapanga jalagalakiya, "Nndema gumela mimea jejipapa imbeju, ni mikongu jejipapa matunda gagabii ni imbeju." Kwabiya ahelahela. Pakamii patenda kupeta, kwahika pulukela, lisoba la tatu.



Henu, Sapanga jahenga minang`anu mibeli mikolongu,
nkolongu gola gunang`ana muhi nu
nsoku gola gunang`ana ikilu, kabee
jwalaenganakia na ndondu.
Pakamii kwatenda kupeta, kwahika
pulukela, lisoba lu nnsesi.




Sapanga jalagalakiya,
"Kubiya ni iumbi ya aina hingi
yomi mmasi ni ijuni igoluka pi
lianga." Pakamii patenda
kupeta, lukela Iwatenda
kuhika, lisoba lu nhwanu.




Sapanga jalagalakiya, "Nndema gupia aina yoti ji iumbi yomi, inyama yukupugwa, iumbi yeikwaba ni inyama yu mukiholi ya kila aina." Kwabiya ahelahela.



Ndipala, Sapanga japwaaga, "Tunndenganakiya mundu jojulengana na twepani, jojubii na sula ngati jitu, jakabiya nu uwesu panani ja homba yu mu nhanganga nkolongu, ijuni yuku nani, inyama yu kupugwa, nndema joti ni iumbi yoti yeikwaba panani ju nndema." Sapanga jabona kila sindu sejukihengiki kuba ndii saamboni nakanopi. Pakamii patenda kupeta lukela lwatenda kuhika lisoba la sita.



Ndienu Bambu Sapanga anzukua mwanalomi we hoju,
ammbeka mu kijongu suku Edeni, julema nu kukitunza.



Bambu Sapanga
ampwagila mwanalomi
we hoju, "Guwesa kula
matunda gu nkongu
wokapi gola mu kijongu
suku Edeni, ila matunda
gi mikongu gu umanyi
waamboni nu ubaja,
wiikula, ndaba lisoba
pawikula matunda gu
nkongu hogu gwitenda
kuwa."




Ndienu, Adamu jiipekiya mahina
inyama yoti yeipugwa, ni inyama
yoti imwikioli ni ijuni yoti yu kunani.
Lakini kati ji inyama hei ni ijuni yoti
ngasejabona sukunzangati.



Ndienu, Bambu Sapanga anhenga mwanalomi we hoju jubiya nu lugonu lwingi, na pajabiya mu lugonu, jajukua luteta lwaki lumu nukuyekale pandu pala kwi inyama.

Bambu Sapanga anndenganakiya mmbomba sukutumii luteta gojahuma naku kwaka mwanaloni jola, ndienu ampelika kwaka mwanalomi we hoju.



Kwa ndaba heji, mwanalomi jaaleka
ahengo na anyongo baki, najombi
jwiijongana nu mmbomba, nabombi
bibiya yega jimu.



Ndaba Sapanga jaapai ngamaa bandu
bupundema hata jaamua kumpia Mwana
waki wakanzika, ili kila mundu
joanhobaale ngajikuwe ila jubiya na
womi wa masoba goha.



Aloma 3:23 Bandu boka atei mahakau nukupongukewa nu
ulumbi waka Sapanga.

Aloma 6:23 Ndaba malepu ga mahakau ndi kuwa lakini
nhupi jejupia Sapanga ndi womi wa masoba goti su kupete
Yesu Kilisitu, Bambu witu.

Aebulania 9:27 Ndienu ngati ekubii kila mundu jukuwa
mala jimu, ndienu jwiijema palongi
jaka Sapanga kutemuliwa.

Aepesu 2:8,9 Ndaba, kwa uamboni waka Sapanga
nkombuliwi kwi indela ju kuhobaleka. Lijambu le heli
ngaselihikiki ndaba ju kuhenga lihengu ngani ila je nhupi
pena kuhuma kwaka Sapanga. Ndaba ngaseihengiki kwa
mahengu ginu henu jiikuba mundu ju kukipuna.



Aloma 10:9,10 Ana ujetaki kupete nndomu waku kupwaga Yesu ndi Bambu nuku hobale mu moju jaku kupwaga Sapanga anhyoa Yesu kuhuma kwa bandu baawi, wiitenda kuokoka. Ndaba mundu juhobale kwa mwoju nuku jetakewa kuba jwaamboni palongi jaka Sapanga, kabee kupete nndomu mundu jutenda kujetake kuhobale sukulonge, ndi jwiitenda kuokoka.

Yohana 3:16,17 Ndaba Sapanga jaapai ngamaa bandu bupundema hata jaamua kumpia Mwana waki wakanzika, ili kila mundu joanhobaale ngajikuwe ila jubiya na womi wa masoba goha. Ndaba Sapanga ngaseantumiki Mwana waki puundema ili jutemula bandu bupundema, ila jaakombula.



1 Yohana 5:11-13 Na malobi ge ndi ganga: Sapanga jutupekia womi wa yaka petapeta, na womi hogu gubii nkati jaka Mwana mundo. Mundu jokapi jojubii na Mwana waka Sapanga jubii na womi we hogu; na mundu jwanga kuba na Mwana waka Sapanga, ngasejubii na womi. Nunhandaki mwanganya majambu haga ili mmanya mmbii na womi wa yaka petapeta, mwanganya mo mulinhobale liina laka Mwana waka Sapanga.



Utumbuli 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Matengo Bible (mgv) ©The Word for the World International
and Matengo Language Translation, 2020. All rights
reserved.

<https://www.bible.com/bible/3941/GEN.1.MABV>

©2026 Bible for Children, Inc.

www.M1914.org

www.bibleforchildren.org

